

¡BOMBA!

Que nadie ahorita se vaya,
hay examen sobre modos:
¿ya entendieron todos
qué es el Renacimiento Maya?



K'intsil

Lunes 19 de enero de 2026

CAMPECHE · YUCATÁN · QUINTANA ROO · AÑO 11 · NÚMERO 2645 · www.lajornadamaya.mx



Oochel Afp

Kex 21 kimen máak úuchik u yúuchul noj loobilaj ti' tsíimin k'áak' España

Tumen úuch loobilaj ti' tsíimin k'áak' tu noj lu'umil Españae' yanchaj 21 kiimeno'ob yéetel kex 100 máako'ob ma' ti' úuch loobilaj; 30 ti' leti'obe' talam yaniko'ob. Lela' leti'e' yáax nojoch k'aasil úuch ti' tsíimin k'áak' chich u bin te'el noj lu'umo', ikil u yáalkabtik maanal 4 mil kilometro'ob, ts'o'oke' leti'e' ka'ap'eel maas jach nojoch yaan ichil tuláakal yóok'ol kaab, chéen tu paach ti' le yaan tu noj lu'umil China. Loobilaje, j-úuch ti' bej nupik Madrid yéetel Sevilla, u noj kaajil Andaluciaí, ts'o'oke' leti'e' yáax beeta'ab tu ja'abil 1992 ti'al u séebchajal u k'uchul máak tu k'iimbajil Exposición Universal.

Tsíimik k'áak' chich u bin tu noj lu'umil Españae' ku yáalkab yéetel u chichil 250 yéetel 300 kilómetro'ob ichil jump'eel ooráa, le beetik ku béeytal u yáalkabtik óoli' 700 kilómetro'ob yaan ichil u lu'umil Sevilla, tak Madrid wa Barcelona, ts'o'oke' mix táan u chukik óoxp'eel ooráa ti'al u k'uchul. U tuukulile, u béeytal u chichtal u bin tak 450 kilómetro'ob, je'el bix le yano'ob Japón wa China.

Walkila' ts'o'ok u káajal u xak'alta'al ba'ax beet u k'astal. Úuch láas 19:39 óoras, ka'aj jóok' tu beel u bin u tsíimik k'áak'il LD AV Iryo 6189 Málaga-Pta de Atocha, tu'ux na'aka'an 317 máako'obi. Leti'e' óoxp'eel ts'o'ok bagono'ob jóok'

tu beelil u bin, ka'aj ook ti' yaanal bej, tu'ux táan k'aach u bin uláak' tsíimin k'áak' luk' Madrid ti'al u k'uchul Huelva, jóok' xan ti' bej tu'ux ku bin ka'achij.

Juntu'ul ti' le máaxo'ob jkíimo', u máakinistail le ts'o'ok tsíimin k'áak'o'.

U ministroil Transportes ti' u jala'achil u noj lu'umil Españae', jsosialistail Óscar Puente' k'uch tak tu'ux úuch le loobilajo' ti'al u jach ts'aatáantik ba'ax ku yúuchul te'elo'.

U mola'ayilo'ob noj lu'ume' ma' táan u béeytal u jets'iko'ob jach jaytúul máak kun sa'atal u kuxtal yóok'olal le je'ela' tumen yaane' jach talam yanik u toj óolalo'ob.